



Vous êtes ici : [Degemer](#) | [Anavezout Kemper](#) | [Glad](#) | Parkoù ha liorzhoù

Parkoù ha liorzhoù

Mise à jour le : 07.12.2011 | 16h51



Kemper, kêr arz hag istor, a ginnig un endro bevañ dibar d'hec'h annezidi ha dizoloadennoù dibaouez d'he gweladennerien. Gwir eo eo lec'hiet mat hor c'hêr hag ez eus ganti ur glad kaer-kenañ a-fet savouriezh.

Ret eo dimp talvoudekaat ar pinvidigezhioù-se dre zerc'hel kont bemdez eus hon endro. Gant ar spered-se eo e klask renerezh takadoù glas Kêr Gemper hor mad en ur labourat evit kaeraat hon endro bevañ.

Garedonet eo bet ar strivoù rak div wech he deus degemeret Kemper « Priz Meur Broadel ar Bleuñvañ », ar priz uhelañ war an dachenn-se.

Ma plij d'an holl dud gwelet an treuzelloù bleuniet war an Oded hag ar bleuñvegou e-harz ar ramparzhioù, e chom kuzhet, a-wechoù, al liorzhoù kaerañ eus Kemper d'an dud na glaskont ket o gwelet. E korn ur straedig, e penn pellañ ur skwar bihan a seblant dister, ez eus lec'hioù dibar da ziskoachañ a-wechoù.

Liorzh ar retred

Al liorz-se, un hanter hektar pe dost he gorread, e diabarzh ramparzhioù ar gêr gozh, zo mogerioù tro-dro dezhi. Bez' ez eo ul liorz war un dro, kuzh ha liesdoare gant he liveoù disheñvel.

Liorzh ur manati e oa bet gwechall ha talvezout a rae da lec'h bourmen ha da vered. Dre m'eo troet ouzh ar c'hreisteiz ha m'eo razek an douar enni e c'haller broelañ spesadoù plant gwall rividik evel ar palmez (ur wezenn *Brahea edulis* zo o kreskiñ enni), ar plant eus Amerika, Chile, Zeland-Nevez, Suafrika, Sina pe eus broioù tro-dro d'ar Mor Kreizdouar.

Diaes eo broelañ plant an douaroù sec'h e Breizh hag evit dont a-benn e ranker plantañ anezho war poulloù dizourus bras a vir ouzh an dour da chagañ e-pad ur mare yen. Noazout a ra ar reñver a zour, evit gwir, ouzh ar seurt plant-se.

Gorread : 5800 m²

Mont dre straed an Douveziou hag ar straed Elie Freron



Liorzh ar c'hoariva

Liorzh ar c'hoariva, terket e fin an XIXvet kantved war ur vrec'h kozh eus an Oded, zo bet kempennet hervez ar stil romantel saoz gant plant a orin eus ar Stadoù-Unanet hag eus Sina.

Al liorz-se, 1 hanter hektar he gorread, a vod rummoù plant, rouez a-wechoù, en ul lec'h enk ha strizh. Kavout a reer enni ur wezenn-ivin-muskad, ur gingko biloba, ur wezenn-dulipez eus Amerika, ur sekoiaenn ramzel, ur siprezenn-voal. Tro-dro d'ar gwez-se ez eus azale, brug-roz ha plant bividik. Unan eus liorzhoù koshañ Kemper eo.

Gorread : 6400 m²

Mont dre ar boulouard Dupleix.



Liorzh ar prioldi

Al liorz, war ribl an Oded, e-kichen prioldi Lokmaria hag ar feilhañserezh Henriot, zo enni plant frondus ha plant eus ar Grennamzer, hervez spered liorzhoù ar manatioù e mare Anna Vreizh. Ar gwez-kistin, ar gwez-derv, ar skilt, ar greunit, hag an dir skoet en tan, eo an dafar diazez. Ar frouezh, kerkoulz hag ar plant bevidik a veze gounezet e karrezenoù uhelaet er mare-se, a ya da glokaat al liorz.

E-kreiz al liorz ez eus ur c'hledour hag ennañ ur feunteun, arouez ar vammenn a vuhez a zoure ar baradoz gwechall. Ar pergolaioù zo aroueziet ganto bolz an oabl ha gant pep plantenn e vez aroueziet un dra bennak, anavezet mat gant an dud er Grennamzer, evel ar roz a arouez ar yaouankiz pe al lili gwenn a arouez ar c'hlanded.

Serr e vez dorioù al liorz da noz.

Gorread : 1700 m²

Mont dre ar blasenn Bérardier.



Ti-kêr Kemper

44, plasen Sant-Kaourintin

29000 Kemper

Tél. + 33 (0)2 98 98 89 89

Email : contact@quimper.bzh

